

ЗАЛА 18


ШКАФЪ 108


ПОЛКА 2.

№ 5.

49







# ВЪ НЕДѢЛЮ ВЕЧЕРА

## СВЯТЫЯ ПЯТДЕСЯТНИЦЫ,

знаменаетъ послѣдованія ради колѣнопреклоненія.

Начинаетъ іерей: Благословенъ Богъ нашъ:

И глаголетъ учиненный чтецъ. Аминь.

Слава тебѣ Боже нашъ , слава тебѣ.

✠  
Ц



Арю небесный, утѣшителю,  
душе истины , иже вездѣ  
сый, и вся исполняяй, сокровище бла-  
гихъ , и жизни подателю , прїиди и  
вселися въ ны , и очисти ны отъ вся-  
кїя скверны, и спаси блаже дѹши наша.  
Свяшый Боже , свяшый крѣпкій , свя-  
шый безсмертный помилуй насъ 3.

Слава оцѹ , и сыну , и святому ду-  
ху , и нынѣ и присно , и во вѣки вѣ-  
ковъ , аминь.

Пресвятая Троице помилуй насъ: Го-

А

споди



споди очисти грѣхи наша: владыко  
проси беззаконїя наша: святыи по-  
сѣши, и исцѣли немощи наша, име-  
не твоего ради.

Господи помилуй, 3. Слава, и нынѣ:  
Опче нашъ, иже еси на небесѣхъ, да  
свяшишя имя твое, да прїидетъ  
царствїе твое, да будетъ воля твоя,  
яко на небеси, и на земли. хлѣбъ  
нашъ насущный, даждь намъ днесь. и  
оспаши намъ долги наша, якоже и мы  
оспаваемъ должникомъ нашимъ. и не  
веди насъ во искушенїе, но избави  
насъ отъ лукаваго. Священникъ:

Яко твое есть царство: Таже:  
Господи помилуй, 12. Слава и нынѣ.  
Прїидите поклонимся Царевѣ нашему  
Богу.

Прїидите поклонимся, и припадемъ  
Христу Царевѣ нашему Богу.

Прїидите поклонимся, и припадемъ са-  
мому Христу Царевѣ и Богу нашему.

и

И предначинашельный псаломъ.

Таже діаконъ глаголетъ експинію великую.

Миромъ Господу помолимся.

ликъ : Господи помилуй. На кійждо.

О свышнѣмъ мирѣ и спасеніи душъ нашихъ, Господу помолимся.

О мирѣ всего міра , благосостояніи святыхъ Божіихъ церквей , и соединеніи всѣхъ , Господу помолимся.

О свяшѣмъ храмѣ семъ , и съ вѣрою , благоговѣніемъ , и страхомъ Божіимъ входящихъ вонъ , Господу помолимся.

О свяшѣйшемъ правительствующемъ Синодѣ , Честнемъ пресвѣтерствѣ , во Христѣ діаконствѣ , о всемъ причтѣ и людехъ , Господу помолимся.

О Благочестивѣйшей Самодержавнѣйшей Великой Государынѣ нашей Императрицѣ ЕЛИСАВЕТИ ПЕТРОВНѣ всея Россіи. И о Наслѣдникѣ ея Внукѣ Петра перваго, благовѣрномъ Государѣ Великомъ Князѣ Петрѣ Сеодоровичѣ ,

и о супругѣ Его , благовѣрной Государынѣ Великой Княгинѣ Екатеринѣ Алексіевнѣ. и о благовѣрномъ Государѣ и Великомъ Князѣ Павлѣ Петровичѣ , о всей палатѣ , и воинствѣ ихъ , Господу помолимся.

О поссбиши и покориши подѣ нозѣ ихъ всякаго врага и супосшапа , Господу помолимся.

О царствующемъ градѣ семъ , всякомъ градѣ и сѣланѣ , и вѣрою живущихъ въ нихъ , Господу помолимся.

О благораствореніи воздуховъ , о изобиліи плодовъ земныхъ , и временъхъ мирныхъ , Господу помолимся.

О плавающихъ , пущешествующихъ , недугующихъ , спраждушихъ , плѣненныхъ , и о спасеніи ихъ , Господу помолимся.

О предстоящихъ людѣхъ , и ожидающихъ благодаши святаго духа , Господу помолимся.

О при-

О приклоняющихъ сердца своя предъ  
Господемъ и колѣна , Господу помо-  
лимся.

О еже укрѣпитися намъ къ соверше-  
нiю богоугоднѣ , Господу помолимся.

О еже ниспослашися богатымъ мило-  
спемъ его на ны , Господу помолимся.

О еже прiяти колѣноприклоненiя наша ,  
яко ѡумiамъ предъ нимъ , Господу  
помолимся.

О пребывающихъ отъ него по́мощи ,  
Господу помолимся.

О избавившихъ намъ отъ всякiя скорби ,  
гнѣва и нужды , Господу помолимся.

Заслупи , спаси , помилуй , и сохрани  
насъ Боже швоею благодащiю.

Пресвяшую , пречисшую , преблагосло-  
венную , славную , владычицу нашу Бо-  
городицу , и присно дѣву Марiю , со  
всѣми святыми помянувшѣ , сами себе ,  
и другъ друга , и весь животъ нашъ  
Христу Богу предадимъ.

Таже священникъ возгласъ.

Яко подобаетъ тебѣ всякая слава ,  
честъ и поклоненіе, ошцу, и сыну, и  
святому духу, нынѣ и присно, и во  
вѣки вѣковъ, Аминь.

Таже поемъ Господи воззвахъ, и поставимъ  
спѣховъ 6. и поемъ спѣхиры самогласны. Гласъ 4.

Преславная днесъ видѣша вси языцы  
во градъ Давидовъ, егда духъ сниде  
свяшый во огненныхъ языцѣхъ, якоже  
богоглаголивый Лука повѣспизуетъ ,  
глаголетъ бо: собраннымъ ученикомъ  
Христовымъ, бысть шумъ, якоже но-  
симу дыханію бурну, и исполни домъ,  
идѣже бяху сѣдѣще: и вси начаша гла-  
голаши спранными глаголы, спранны-  
ми ученіи, спранными повелѣніи свя-  
шья Троицы. 2.

Духъ свяшый бѣ убо присно, и есть,  
и будетъ: ниже начинаемъ, ниже пре-  
спаяй, но присно ошцу и сыну счи-  
ненъ и счисляемъ: живощъ, и живо-  
шво-

шворяй: свѣтъ, и свѣта податель: само-  
благій, и источникъ благоспыни: имже  
ощецъ познаваеся, и сынъ просла-  
вляется, и ошъ всѣхъ познаваеся.  
едина сила, едино счешаніе, едино по-  
клоненіе свящыя Троицы. 2.

Духъ свящый, свѣтъ, и животъ, и  
живый источникъ умный: духъ пре-  
мудрости, духъ разума: благій, пра-  
вый, умный: обладая, очищай пре-  
грѣшенія: Богъ и боготворяй, огонь  
ошъ огня происходя: глаголай, дѣй,  
раздѣляй дарованія. Имже Пророцы  
все, и божественніи Апостоли съ му-  
ченики вѣчашася. спранное слышаніе!  
спранное видѣніе! огонь раздѣляйся въ  
подааніе дарованій. 2.

Слава, и нынѣ: Гласъ 6.

Царю небесный, утѣшителю, душе  
испины, иже вездѣ сый, и вся испол-  
няяй, сокровище благихъ, и жизни по-  
дашело, прїиди и вселися въ ны, и  
очисти

очисти ны отъ всякія скверны , и спаси блаже душі наша.

Входъ съ кадиломъ.

Свѣше тихій , святыя славы , безсмертнаго , отца небеснаго , святаго блаженнаго , Иисусе Христе: пришедше на западъ солнца, видѣвше свѣтъ вечерній, поемъ отца , и сына , и святаго духа, Бога. достоинъ еси во вся времена быти гласы преподобными, сыне Божій, живиши даяй: тѣмже мѣръ ты славить.

Прокіменъ великій гласъ 7.

Кто Богъ велій, яко Богъ нашъ, ты еси Богъ творяй чудеса. Стихъ , 1.

Сказалъ еси въ людехъ силу твою.

Стихъ , 2.

И рѣхъ: нынѣ начахъ, сія измѣна де-  
сницы вышняго. Стихъ , 3.

Помянухъ дѣла Господня , яко помяну  
отъ начала чудеса твоя.

И паки : Кто Богъ велій ;

Таже

Таже возглашашѣ діаконѣ :

Паки и паки приклонше колѣна , Господу помолимся.

Мы же : Господи помилуй , з.

Намѣ же приклоншимѣ колѣна на земли , и не покровеннымѣ сущимѣ , чпешѣ їерей молившы во олшарѣ велегласно на люди.

**П**речисте , нескверне , безначальне , невидиме , неоспижимо , неизсѣдиме , непремѣнно , непобѣдимо , неизчешно , незлобиво Господи , единѣ имѣяй безсмертіе , во свѣтѣ живыи неприсхупномѣ : сошворивыи небо и землю , и море , и вся созданная на нихѣ : прежде еже просипи всѣмѣ , прошенія подаваяи , и шебѣ молимся , и шебе просимѣ , Владыко челоѣколюбче , Отца Господа и Бога и Спаса нашего Іисуса Христа , насѣ ради челоѣковѣ , и нашего ради спасенія , сшедшаго съ небесѣ , и воплотившагося отѣ духа святаго , и Маріи приснодѣвыи и пре-

Блаженныя

славныя Богородицы: иже первѣе убо словесы учя, послѣдиже и дѣлы показуя, егда спасительную спрасить претерпѣ, подаде намъ подписаніе смиреннымъ и грѣшнымъ, и недостойнымъ рабомъ швоимъ, мольбы приносиши тебѣ, въ выи, и колѣниъ преклоненіихъ, о своихъ грѣсѣхъ, и о людскихъ невѣдѣніихъ. Самъ многомилостиве и челоѡколюбче услыши ны, вонъ же аще день призовемъ шя, изряднѣе же въ день сей пятьдесятный, вонъ же по вознесеніи Гѡспода нашего Іисуса Христа на небеса, и сѣдѣніи одесную тебе Бога и Отца, низпосла святаго духа на свящыя своя Ученики и Апостолы, иже и сѣдѣ на единомъ коегождо ихъ, и исполнишася вси неиспощимыя благодаши его, и глаголаша языки иными величїя швоя, и прорекоша. Нынѣ убо молящихся тебѣ услыши насъ, и помяни насъ смиренныхъ и осужденныхъ, и возврати

плѣненіе душъ нашихъ , твое милова-  
ніе имѣя о насъ молящееся: прїими насъ  
припадающихъ тебѣ , и вопїющихъ :  
согрѣшихомъ , къ тебѣ привержени  
есмы отъ упробы, отъ чрева мате-  
ре нашея , ты еси Богъ нашъ. Но  
яко изчезоша въ суешѣ днѣе наши ,  
обнажихомся твоея помощи, лишихом-  
ся всякаго опѣшя : но дерзающе на  
щедроты твоя , зовемъ : грѣхи юно-  
спи нашея и невѣдѣнія не помяни ,  
и отъ тайныхъ нашихъ очисти насъ ,  
и не оприни насъ во время старости,  
всегда оскудѣши крѣпости нашей : не  
остави насъ прежде даже намъ въ зе-  
млю не возвратишися, сподоби къ те-  
бѣ возвратишися , и вонми намъ бла-  
гопрїятіемъ и благодащю. возмѣри без-  
законїя наша щедротами твоими , со-  
противъ-поспави бездну щедротъ тво-  
ихъ , множеству согрѣшеній нашихъ .  
призри съ высоты святыя твоея Го-

споди, на предстоящія люди швоя, и чающія еже отъ тебе богатыя милости. Посѣпи насъ благоспїю твоею, избави насъ отъ насильства дїаволя. ушверди животъ нашъ святыми швоими и священными законы. Ангела вѣрна хранителя прислави людемъ швоимъ, всѣхъ собери въ швое царствїе. даждь прощенїе уповающимъ на тя. оспави имъ и намъ грѣхи. очисти насъ дѣйствомъ святаго швоего духа. разруши яже на насъ козни вражїя.

Присовокупляетъ же и сію молитву.

**Б**лагословенъ еси Господи владыко вседержителю, просвѣтивый день свѣтомъ солнечнымъ, и нощь уясни-  
вый зарями огненными, долгошу днев-  
ную преищи намъ сподобивый, и при-  
ближишися начашкомъ нощи, услыши  
моленїя наша, и всѣхъ людей швоихъ,  
и всѣмъ намъ простивъ вольныя и не-  
вольныя грѣхи, прїими вечерняя наша  
моле-

моленія . и низпосли множество милости твоея , и щедроты твоя на достояніе твое . оспѣни насъ святыми Ангелы твоими : вооружи насъ оружіемъ правды твоея : соблюди насъ силою твоею : избави насъ отъ всякаго обстоянія , всякаго навѣща сопротиволежащаго : подаждь же намъ и насоящій вечеръ , съ приходящею ночью , совершенъ , святъ , миренъ , безгрѣшенъ , безсоблазненъ , безмечтаненъ , и вся дни живота нашего : молитвами святыя Богородицы , и всѣхъ святыхъ отъ вѣка тебѣ благоугодившихъ .

Абѣ же глаголетъ діаконъ :

Заслупи , спаси , помилуй , возстави , и сохрани насъ Боже твоею благодатію . И Господи помилуй . 1 :

Пресвятую пречистую , преблагословенную : Таже іерей возгласъ :

Твое бо есть , еже миловать , и спасати насъ Господи Боже нашъ , и те-

бѣ славу возсылаемъ , ошцу , и сыну ,  
и святому духу , нынѣ и присно , и  
во вѣки вѣковъ , ликъ : Аминь.

По семъ іерей , или діаконъ глаголетъ сія :  
Рцемъ вси ошъ всея души , и ошъ  
всего помышленія нашего рцемъ.

ликъ : Господи помилуй.

Господи вседержителю Боже ошецъ  
нашихъ , молимся , услыши , и по-  
милуй.

Помилуй насъ Боже по велицѣй мило-  
сти твоей , молимся , услыши , и  
помилуй.

ликъ : Господи помилуй , 3.

Еще молимся , о Благочестивѣйшей Са-  
модержавнѣйшей Великой Государынѣ  
нашей Императрицѣ ЕЛИСАВЕТИ  
ПЕТРОВНѣ всея Россіи. О державѣ ,  
побѣдѣ , пребываніи , мирѣ , здравіи ,  
спасеніи ея , и Господу Богу нашему ,  
наипаче поспѣшити и пособити ей во  
всѣхъ , и покорити подъ нозѣ ея вся-  
каго врага и супостата. Еще

Еще молимся, о Наслѣдникѣ ея, Вну-  
кѣ Петра перваго, благовѣрномъ Го-  
сударѣ и Великомъ Князѣ Петрѣ Фе-  
одоровичѣ, и о супругѣ Его благовѣр-  
ной Государынѣ Великой Княгинѣ  
Екатеринѣ Алексіевнѣ, и о благовѣр-  
номъ Государѣ Великомъ Князѣ Павлѣ  
Петровичѣ.

Еще молимся, о святейшемъ прави-  
тельствующемъ Синодѣ, и всей во  
Христѣ братіи нашей.

Еще молимся о всемъ ихъ христію-  
бивомъ воинствѣ.

Еще молимся, о блаженныхъ и присно-  
памятныхъ создателехъ святаго хра-  
ма сего, и о всѣхъ преждепочившихъ  
отцѣхъ, и братіяхъ, здѣ лежащихъ,  
и по всюду православныхъ.

Еще молимся о милости жизни,  
мирѣ, здравіи, спасеніи, посѣщеніи,  
прощеніи, и оставленіи грѣховъ ра-  
бовъ Божіихъ, братіи нашей.

Еще

Еще молимся о плодоносящихъ, и добродѣющихъ во свящѣмъ и всечестнѣмъ храмѣ семъ, пруждающихся, поющихъ, и предстоящихъ людехъ, ожидающихъ отъ тебе великія и богатыя милоспи.

Таже возгласъ :

Яко милоспивъ и человеколюбецъ Богъ еси, и тебѣ славу возсылаемъ, ошчу, и сыну, и свяшному духу, нынѣ и присно, и во вѣки вѣковъ. Аминь.

Абѣе же діаконъ глаголетъ :

Паки и паки приклонше колѣна, Господу помолимся. Господи помилуй, 3.

И приклоняемъ колѣна по предписанному.

Чтетъ іерей 2 ю молитву во услышаніе всѣхъ.

Господи Іисусе Христе Боже нашъ, миръ швой подавый человекомъ, и пресвятаго духа даръ, еще въ житіи и съ нами сый, въ наслѣдіе неотъемлемое вѣрнымъ присно-  
по-

подавая : явленнѣйше же сію благода-  
 дасть швоимъ Ученикомъ и Апостоломъ  
 днесъ низпославый , и сихъ успнѣ ог-  
 ненными утвердивый языки , ими же  
 весь родъ человѣческій боговѣдѣніе  
 своимъ языкомъ въ слухъ уха прїим-  
 ше , свѣтомъ духа просвѣтихомся , и  
 прелести яко же тмы измѣнихомся .  
 и чувственныхъ и огненныхъ языкъ  
 раздаяніемъ , и преестественнымъ  
 дѣйствомъ , еже въ тѣя вѣры научи-  
 хомся . и тебе богословиши со оцѣмъ  
 и святымъ духомъ , во единомъ бже-  
 сствѣ , и силѣ , и власти озарихомся .  
 Ты убо опчее сіяніе , существа и еспе-  
 ства его , неизмѣнное , и недвижимое  
 начертаніе , испочниче премудро-  
 сти и благодати : опверзи и мнѣ грѣ-  
 шному успнѣ , и научи мя како досто-  
 итѣ , и о ихъ же потреба молишися ;  
 ты бо еси вѣдый многое грѣховъ мо-  
 ихъ множество : но швое благоустро-

В

біе

біе побѣдитъ сихъ безмѣрное . се бо  
 страхомъ предстою ти , въ пучину  
 милости твоея опчаяніе душй моя  
 повергъ , окорми животоу мой , словомъ  
 всю тварь неизреченною премудрости  
 силою управляя , тихое обуреваемыхъ  
 пристанище : и скажи ми путь вонъ же  
 пойду . Духъ премудрости твоея мо-  
 имъ подаждь помышленіемъ , духъ ра-  
 зума безумію моему даруяй , духомъ  
 страха твоего моя осѣни дѣла , и  
 духъ правый сбнови во упробѣ моей ,  
 и духомъ владычнымъ мыслей моихъ  
 поползновеніе утверди : да на всякъ  
 день духомъ твоимъ благимъ къ по-  
 лезному наставляемъ , сподоблюся тво-  
 рити заповѣди твоя , и твое присно  
 памятованіи славное пришествіе , и  
 истязательное содѣянныхъ нами . И  
 да не презриши мя плѣнными сопредѣ-  
 лашися міра сего красными , но буду-  
 щихъ воспріятія желаша укрѣпи со-  
 кро-

кровищъ . ты бо реклъ еси владыко :  
 яко елика аще кто проситъ о твоємъ  
 имени , невозбранно пріемлетъ отъ  
 твоего присносущнаго Бога и отца .  
 Тѣмъ же и азъ грѣшный въ прише-  
 ствіи святаго твоего духа , шрою  
 молю благость , елика просихъ воз-  
 даждь ми во спасеніе . Ей Господи ,  
 всякаго благодѣянія богашый да телю ,  
 и пода телю благій , яко ты еси по-  
 даваяй пріизобильно ихъ же просимъ :  
 ты еси соснрада теленъ и милости-  
 вый , иже безгрѣшно бывъ плоти на-  
 шея общникъ , и приклоняющимъ къ  
 тебѣ колѣна , приклоняяйся лисобла-  
 гоушробнѣ , очищеніе же бывъ грѣхсвѣ  
 нашихъ . Даждь убо Господи людемъ  
 швоимъ щедроты твоя : услыши насъ  
 съ небесе святаго твоего : освяти насъ  
 силою спасишельною десницы твоя :  
 покрый насъ кровомъ крилу швоею , да  
 не презриши дѣль руку швоею . тебѣ

единому согрѣшаемъ, но и тебѣ единому служимъ: Не вѣмы кланялися Богу чуждему, ниже простираши рѹки наша Владыко къ Богу иному. Оспави намъ согрѣшенія, и прїимъ наша колѣнопоклонная моленія, простри всѣмъ намъ рѹку по́мощи, прїими молитву всѣхъ яко кадило прїянное, воспрїемлемое предъ швоимъ преблагимъ царшвомъ.

Присовокупляетъ же и сїю:

Господи Господи, избавлей насъ отъ всякія стрѣлы лѣтящія во дни. Избави насъ и отъ всякія вещи во тмѣ преходящія. Прїими жертву вечернюю рукъ нашихъ воздѣянїя. Сподоби же насъ и нощное поприще безъ порока прейти неискушенны отъ злыхъ. И избави насъ отъ всякаго смущенія и боязни, яже отъ діавола намъ прибывающія. Даруй душамъ нашимъ умиленіе, и помысломъ нашимъ попеченіе,  
еже

еже на спрашнѣмъ и праведнѣмъ швоемъ судѣ испытанія. Пригвозди спраху швоему плочи наша, и умершвиуды наша, сущія на землѣ. Да и соннымъ безмолвіемъ просвѣщимся, зрѣніемъ судебъ твоихъ. Опѣями же опѣ насъ всякое мечтаніе неподобное и похоть вредну. Возспави же насъ во время молишвы, ушверждены въ вѣрѣ, и преспѣвающія въ заповѣдехъ твоихъ.

Діаконъ же глаголетъ :

Заступи, спаси, помилуй, возспави и сохрани насъ Боже :

Пресвяшую пречистую преблагословенную :

Іерей возгласъ молишвѣ.

Благословеніемъ и благоспїю единогоднаго сына швоего : съ нимъ же благословенъ еси, съ пресвятымъ, и благимъ, и животворящимъ швоимъ духомъ, нынѣ и присно, и во вѣки вѣковъ, аминь.

Таже :

В 3                      Сподоби

Сподоби Господи въ вечеръ сей :

По семъ же глаголетъ дѣаконъ :

Паки и паки приклонше колѣна , Господу помолимся.

И намъ такоже колѣна приклоншимъ іерей чшетъ шрестію молигву.

**П**рисношекущій, живошный, и просвѣтительный испочниче , соприсносушная отцу содѣтельная сило , все смотрѣніе за спасеніе человѣческое прекраснѣ исполнивый, Христе Боже нашъ: смерти узы неразрѣшимыя , и заклепы адовы разпоргнувый , лукавыхъ же духовъ множество поправый. Приведый себе о насъ непорочное заженіе , и шѣло давый пречистое въ жертву , всякаго грѣха неприкосновенное же , и непроходное : и спрашнымъ симъ , и неисповѣдимымъ священнодѣйствіемъ , животъ намъ вѣчный даровавый : Во адъ сшедый , и вери вѣчныя сокрушивый , и во шмѣ сѣдящимъ восходѣ  
показа-

показавый , началозлобнаго же и глубиннаго змѣя , богомудростнымъ льщеніемъ уловивый , и веригами мрака связавый въ пѣршарѣ и огни негасимомъ , и во тмѣ кромѣшнѣй неисчетносною швоею зашвердивый крѣпостію , великоименитая премудросте опчая , напасшваемымъ великій помощникъ явивыйся , и просвѣтивый сѣдящія во тмѣ и сѣни смертнѣй : Ты славы присносушныя Господи , и отца вышняго сына возлюбленный , присносушный свѣте , отъ присносушнаго свѣта , солнце правды , услыши насъ молящихся тебѣ , и упокой душі рабовъ швоихъ , прежде усопшихъ отецъ и брашій нашихъ , и прочіихъ сродникъ по плоти , и всѣхъ своихъ въ вѣрѣ , о нихъ же и памяшь шворимъ нынѣ , яко въ тебѣ всѣхъ держава , и въ руцѣ швоей содержи ся концы земли . Владыко вседержишелю , Боже отецъ , и Господи милоспи

лоспи, рода смертнаго же и безсмертнаго, и всякаго естества человѣческаго содѣшело, составляемаго же, и паки разрѣшаемаго, живота же и скончанія, еже здѣ пребыванія, и еже тамо преложенія: лѣша измѣряяй живымъ, и времена уставляяй смерти: низводяй во адъ и возводяй: связуяй въ немощи, и оппущаяй въ силѣ, настаящая по потребнѣ спрояй, и будущая полезно управляяй: смертнымъ жаломъ уязвленныхъ, воскресенія надеждами веселяяй: Самъ убо владыко всѣхъ, Боже спасишело нашъ, надежде всѣхъ концевъ земли, и сущихъ въ мѣри далече, иже и въ сей послѣдній и великій спасительный день пятидесятницы праздника, тайну святыя и единосущныя, и соприносущныя, и нераздѣлимыя, и несліяныя троицы показавый намъ, и наипіе и пришествіе свяаго и животворящаго твоего духа, въ видѣ огненныхъ

ныхъ языковъ на святыя швоя Апосто-  
лы изліявый , и благовѣспники шѣхъ  
поставивый, благочеспивыя нашея вѣры,  
исповѣдники и проповѣдники , истин-  
наго богословія показавый : Иже и въ  
сей всесовершенный и спасительный  
праздникъ , очищенія убо молишвенная,  
о иже во адѣ держимыхъ сподобивый  
пріимати , великія же подавая намъ на-  
дежды ослабленія содержимымъ отъ  
содержащихъ я сквернъ , и утѣшенію  
побою ниспослапсія : Услыши насъ  
смиранныхъ , и швоихъ рабъ молящих-  
ся ши , и упокой дѹши рабовъ швоихъ  
прежде усопшихъ , на мѣстѣ свѣплѣ ,  
на мѣстѣ злачнѣ , на мѣстѣ прохла-  
жденія : отъ онудуже отбѣже всякая  
болѣзнь , печаль , и воздыханіе , и учини  
дѹхи ихъ въ селеніяхъ праведныхъ , и  
мира и ослабленія сподоби ихъ : яко не-  
мершвиі восхваляшъ шя Господи , ниже  
сущіи во адѣ исповѣданіе дерзнутъ

Г

при-

принеси тебѣ , но мы живѣи благо-  
словимъ тя и молимъ , и очистишель-  
ныя молитвы и жертвы приносимъ  
тебѣ о душахъ ихъ.

Присовокупляешъ и сѣю :

**Б**оже великій , и вѣчный , святыи ,  
человѣколюбивый , сподобивый насъ  
въ сей часъ стати предъ неприступ-  
ною твоею славою , на похвалу и хвалу  
чудесъ твоихъ , очисти ны недостой-  
ныя рабы твоя , и подаждь благодасть  
еже сокрушеннымъ сердцемъ , невозно-  
сительно приносиши тебѣ прісвятое  
славословіе , и благодареніе великихъ  
твоихъ даровъ , яже сотворилъ еси  
къ намъ , и твориши всегда въ насъ.  
Помяни Господи немощь нашу , и да  
не погубиши насъ со беззаконіи нашими :  
но сотвори великую милость со сми-  
реніемъ нашимъ , да грѣховныя ны  
избѣжавше , во дни правды ходиши бу-  
демъ . и одѣявшеся оружіемъ свѣта ,  
нена-

ненавѣтно пребудемъ отъ всякія козни лукаваго , и со дерзновеніемъ прославимъ о всѣхъ , шебъ единого истиннаго и человеколюбца Бога . Твое бо яко воистинну и великое вѣроупу шашество , владыко всѣхъ , и шворче , временное рѣшеніе швоихъ шварей , и еже по сихъ совокупленіе и упокоеніе , еже во вѣки . шебъ благодашъ о всѣхъ исповѣдуемъ , о входѣхъ нашихъ , яже въ мѣръ сей , и исходѣхъ , надежды намъ воскресенія , и жизни неплѣнныя , швоимъ неложнымъ обѣщаніемъ предобручающъ , яже прѣимемъ въ будущемъ шпоромъ пришествіи швоемъ : ты бо еси и воскресенія нашего начальникъ , и пожившихъ неумышленный , и человеколюбивый судія , и мздовоздаянія владыка и Господь , иже и прѣобщивыйся намъ прѣискренно плоти и крове , снихожденія ради крайняго : и наша срашпи неопшметныя , внегда волею во

ный даруя, намъ же и всѣмъ людямъ твоимъ , и милости и челоуѣколюбїа ушробу отверзаяи намъ , на страшномъ и ужасномъ твоємъ пришеествїи , и царствїа твоего достойныхъ насъ сотвори.

Присовокупляетъ и сїю молитву.

**Б**оже великій и вышній, едине имѣяй безсмертїе, во свѣтѣ живой неприступномъ , всю тварь мудростїю создавый , раздѣливый посредѣ свѣта , и посредѣ тмы : и солнце убо положи-вый во область дне , луну же и звѣзды во область нощи. Сподобивый насъ грѣшныхъ и въ настоящїй день предвариши лице твое во исповѣданїи , и вечернюю тебѣ службу принести: Самъ челоуѣколюбче Господи, исправи молитву нашу , яко кадило предѣ твоею , и прїими ю въ воню благоуханїа. Подаждь же намъ настоящїй вечеръ и приходящую нощь мирну , одецы ны  
ору-

оружіемъ свѣта . избави насъ отъ страха ношнаго , и отъ всякія вещи во тмѣ преходящія . И даруй намъ сонъ , иже во упокоеніе нѣмощи нашей даровалъ еси , отъ всякаго дѣавольскаго мечпанія измѣненъ . Ей Владыко всѣхъ благихъ подателю , яко да и на ложахъ нашихъ умиляющесе , вспоманемъ и въ нощѣ пресвятое имя твое . И поученіемъ твоихъ заповѣдей озаряеми , въ радости душевной воспанемъ къ словословію твоею благоспи , молитвы и моленія твоему благоутробію приносяще о сеоихъ грѣсехъ , и о всѣхъ людехъ твоихъ : ихъ же молитвами пресвятыя Богородицы , въ милости посѣши .

Діаконъ глаголетъ :

Заступи , спаси , помилуй , возстави , и сохрани насъ Боже твоею благодатію . Пресвятую , пречистую :

Іерей возглашаетъ :

Ты бо еси упокоеніе душъ и шѣлесь на-

искусѣ поспавиши, прїимѣ за милосердіе щедростѣ. И въ немѣ же поспрадалѣ еси самѣ искусився, искушаемымѣ намѣ бывѣ, самообѣщанный помощникѣ. Тѣмѣ же и совозвелѣ еси насѣ въ швое безспрастїе. Прїими убо владыко мольбы и моленїя наша, и упокой вся опшцы коегождо, и матери, и чада, и братїю, и сестры, едиnorodныя, и купнородныя, и вся прежде почившїя дѣши, въ надежди воскресенїя жизни вѣчныя, учини дѣхи ихѣ, и имѣна въ книзѣ живошнѣй, въ нѣдрѣхѣ Авраама, и Исаака, и Іакова, въ спранѣ живыхѣ, въ царствїи небеснѣмѣ, въ раи сладости, свѣтлыми Ангелы швоими, вводя вся во свяшныя швоя обители, совоздвизай и тѣлесѣ наша въ день, вонѣ же опредѣлилѣ еси, по святымѣ швоимѣ и неложнымѣ обѣшванїямѣ. Нѣсть убо Господи рабомѣ швоимѣ смерть, исходящимѣ намѣ опѣ шѣла,

и

и къ тебѣ Богу нашему приходящимъ,  
но преспавленіе отъ печальнѣйшихъ на  
полезнѣйшая, и сладостнѣйшая, и на  
упокоеніе и радость. Аще же и чпо  
согрѣшихомъ къ тебѣ, милостивъ буди  
намъ же и шѣмъ: зане ни единъ есть  
числѣ предъ тобою отъ сквернъ, ни  
же аще единъ день живота его есть:  
развѣ ты почію единъ, на землѣ яви-  
выйся безгрѣшный Господь нашъ Іисусъ  
Христосъ: имъ же вси уповаемъ милосѣ  
получиши, и оставленіе грѣховъ. Сего  
ради намъ же и онѣмъ, яко благъ и  
человѣколюбецъ Богъ, ослаби, остави,  
проси грѣхопаденія наша, вольная и  
невольная, яже въ вѣдѣніи, и не въ вѣ-  
дѣніи, предъявленная, и забываемая: яже  
въ дѣяніи, яже въ помышленіи, яже въ  
словеси, яже во всѣхъ нашихъ житіяхъ,  
и движеніихъ. И опшедшымъ убо сво-  
боду, и ослабу даруй, насъ же сущихъ  
здѣ благослови: конецъ благій и мир-

нашихъ , и тебѣ славу возсылаемъ ,  
ошцу, и сыну, и святому духу , нынѣ  
и присно, и во вѣки вѣковъ , аминь.

Таже дѣаконъ :

Исполнимъ вечернюю молитву нашу  
Господеви. Господи помилуй:

Заслупи , спаси , помилуй и сохрани  
насъ Боже пвоею благодапію.

Вечера всего совершенна, свята, мирна  
и безгрѣшна , у Господа просимъ.

Ликъ: Подай Господи.

Ангела мирна, вѣрна , наставника, хра-  
нишеля душъ и тѣлесъ нашихъ , у  
Господа просимъ.

Прощенія и оставленія грѣховъ и пре-  
грѣшеній нашихъ, у Господа просимъ.

Добрыхъ и полезныхъ душамъ нашимъ,  
и мира мірови , у Господа просимъ.

Прочее время живота нашего, въ мирѣ  
и покаяніи скончати, у Господа про-  
симъ.

Христіанскія кончины живота нашего,  
без-

безболѣзненны, не постыдны, мирны,  
и добраго отвѣта на спрашнѣмъ су-  
дищи Христовѣ, просимъ.

Пресвятую пречистую, преблагосло-  
верей возгласъ :

Яко благъ и человеколю:  
и Миръ всѣмъ.

Діаконъ :

Главы наша Господеви приклонимъ:

Іерей глаголетъ молишву обычную, въ шай.

Господи Боже нашъ приклонивый не-  
беса, и сшедый на спасеніе рода  
человѣческаго, призри на рабы швоя,  
и на достояніе швое. Тебѣ бо спра-  
шному и человеколюбцу судіи, швои  
рабы своя приклониша главы, и своя  
покориша выи, не отъ человекъ ожи-  
дающе помощи, но швоея ожидающе  
милости, и швоего чающе спасенія,  
яже сохрани, на всякое время, и въ  
наспоящемъ часѣ же и вечерѣ, и въ  
приходящую ночь, отъ всякаго врага,

Д

отъ

отъ всякаго сопротиволежащаго дѣйства дѣвольскаго , помышленіи суешныхъ , и воспоминаніи лукавыхъ.

И возглашаетъ :

Буди держава царствія швоего :

И по семъ сошедшися оба лика , поемъ на стиховнѣ стихиры самогласны. гласъ , 3.

Нынѣ въ знаменіе всѣмъ , явѣ языцы быша : Іудеи бо , отъ нихъ же по плоти Христосъ , невѣріемъ недуговавши Божія благодаши опадоша : и божественнаго свѣта сущіи отъ языковъ сподобихомся , утвердившеся словесы учениковъ , вѣщающихъ славу благодѣтеля всѣхъ Бога , съ ними же сердца съ колѣнами приклонше , вѣрою поклонимся святому духу , утвердившеся спасителемъ душъ нашихъ.

Стихъ :

Сердце чисто созижди во мнѣ боже , и духъ правъ обнови во утробѣ моей.

Нынѣ утѣшительный духъ , на всякую

кую плоть излїая : отъ Апостольскихъ бо ликовъ наченшїй, отъ шѣхъ по причастїю вѣрнымъ благодасть простири, и увѣряешъ свое державное наипїе, во огненномъ видѣ, ученикомъ раздаяя языки, въ пѣснопѣніе и славу Божїю. Тѣмъ же сердца умно просвѣщаеми, въ вѣрѣ утвердившеся святымъ духомъ, молимся, спасшися душамъ нашимъ.

Слѣхъ :

Не отвержи мене отъ лица твоего ; и духа твоего святаго не отъими отъ мене.

Нынѣ облачаешя державою Христовою съ высоты Апостоли: обновляешъ бо ихъ утѣшитель, въ нихъ обновляешя таинственнымъ обновленїемъ разума : иже спранными гласы, и высокоглаголивыми проповѣдающе присносущное естество же и простое, привспасное почиташа, благодѣтеля всѣхъ Бога. шѣмъ же просвѣтившеся

оныхъ учени, ошцу поклонимся съ сыномъ и духомъ, молящися спасшися душамъ нашимъ.

Слава и нынѣ.

Гласъ, 8.

Прїидите людїе, прївпостасному Божеству поклонимся, сыну во ошцѣ, со святымъ духомъ, ошецъ бо безлѣпно родї сына соприсносущна и сопреспольна, и духъ свяшый бѣ во ошцѣ, съ сыномъ прославляемъ. Едина сила, едино существо, едино божество : ему же покланяющися вси глаголемъ : свяшый Боже, вся содѣявый сыномъ, содѣйствомъ свяшаго духа : свяшый крѣпкій, имъ же ошца познахомъ, и духъ свяшый прїиде въ мїръ : свяшый безсмертный, ушѣшительный душе, ошъ ошца исходяй, и въ сынѣ почивай : Троице святая слава тебѣ.

Таже : Нынѣ оппущаеши:

Три-

Трисвятое: Пресвятая Троице: Отче  
нашъ: Тропарь, гласъ 8.

Благословенъ еси Христе Боже нашъ,  
иже премудры ловцы явлей, низпо-  
славъ имъ дѹха святаго, и тѣми  
уловлей вселенную, человеколюбче  
слава тебѣ.

Таже священникъ творитъ отпустъ сие:  
Иже отъ отчихъ и божественныхъ  
нѣдръ истощивый себе, и съ небесе  
на землю сошедый, и наше все вос-  
пріемый естество, и обоживый е,  
по сихъ же на небеса паки возшедый,  
и одесную сѣдый Бога и отца, бо-  
жественнаго же и святаго и едино-  
сущнаго, и единосильнаго, и едино-  
славнаго, и соприносущнаго духа  
низпославый на святыя своя Учени-  
ки и Апостолы, и симъ просвѣтивый  
убо ихъ, тѣми же всю вселенную:  
Христосъ истинный Богъ нашъ,  
молитвами пречистыя и пренепороч-

ныя свящыя своея машере , свящыхъ  
славныхъ , прехвальныхъ , богопропо-  
вѣдниковъ , и духоносныхъ Апосто-  
ловъ : и всѣхъ свящыхъ , помилуетъ  
и спасетъ насъ , яко благъ и чело-  
вѣколюбецъ.

и Многолѣтны.













РНБ Русский фонд.

18.108.2.5